



01
2847

Bosnia and Herzegovina
Federation of Bosnia and Herzegovina
CANTON SARAJEVO
Ministry for Science, Higher Education and Youth

Broj: 27-02-04-31246-6.1/26
Sarajevo, 2.7.2026. godine

SKUPŠTINA KANTONA SARAJEVO
n/r predsjedavajućeg Skupštine

KABINET PREMIJERA KANTONA SARAJEVO
n/r premijera

PREDMET: Odgovor na zastupničko pitanje zastupnice u Skupštini Kantona Sarajevo Adne Mesihović, *dostavlja se*

Veza Vaš akt, broj: 01-04-31246-6/26 od 17.6.2026. godine

U okviru 31. radne sjednice Skupštine Kantona Sarajevo, održane dana 17.6.2026. godine, a u skladu sa čl. 211. i 214. Poslovnika Skupštine Kantona Sarajevo, zastupnica u Skupštini Kantona Sarajevo Adna Mesihović je u okviru tačke dnevnog reda „Poslanička/zastupnička pitanja, inicijative i odgovori“, postavila sljedeće zastupničko pitanje:

„Da li će se u toku 2026. godine ministarstvo raspisati javni poziv za sufinansiranje naučnoistraživačkih/umjetničkoistraživačkih i istraživačkorazvojnih projekata i u kojem iznosu su u budžetu za to planirana sredstva? Da li je Sporazum o razvoju institucionalne i istraživačke djelatnosti koji je jučer potpisan sa Univerzitetom u Sarajevu, konceptualno i namjenski isti kao onaj između premijera i tadašnjeg rektora UNSA u decembru 2023. godine i nikada nije realizovan?

Obzirom da prošle godine nije došlo do realizacije raspisanog javnog poziva za koji je u budžetu planirano 4,5 miliona KM, a kako je prošla već polovina 2026. godine i javni poziv još nije objavljen, a čime ne ostaje dovoljno vremena za sve aktivnosti njegove realizacije, da li izostanak istog postaje praksa?

Jučer je ministrica nadležnog ministarstva potpisala Sporazum o razvoju institucionalne i istraživačke infrastrukture i opremljenosti Univerziteta, da li to znači da Vlada KS planira jedino tim sporazumom ispuniti zakonsku obavezu člana 8. Zakona o naučnoistraživačkoj djelatnosti? Da li to znači da kroz budžet nisu planirana sredstva koja su već nekoliko godina bila obezbijeđena za sufinansiranje naučnih radova mladih istraživača, naučnih projekata od interesa za KS, organizaciju naučnih konferencija, sredstva za jačanje publicističke djelatnosti i također sredstva koja su bila dostupna svim naučnicima Kantona Sarajevo“?

Ovim putem dostavljamo odgovor na zastupničko pitanje:

Vlada Kantona Sarajevo, je na prijedlog Ministarstva za nauku, visoko obrazovanje i mlade Kantona Sarajevo, donijela Odluku o utvrđivanju namjene, kriterija i načina raspodjele sredstava za podršku naučnoistraživačkoj djelatnosti na području Kantona Sarajevo iz Budžeta Kantona Sarajevo za 2026. godinu.

U skladu sa navedenom odlukom, Ministarstvo za nauku, visoko obrazovanje i mlade Kantona Sarajevo je 17. juna 2026. godine raspisalo Javni poziv za sufinansiranje naučnoistraživačkih/umjetničkoistraživačkih i istraživačkorazvojnih projekata i programa iz Budžeta Kantona Sarajevo za 2026. godinu. Javni poziv je objavljen na službenoj internet stranici Ministarstva, kao i u dnevnoj štampi, u skladu sa odredbama naprijed navedene Odluke.

Tekst Javnog poziva sa pratećom dokumentacijom, dostupan je na službenoj internet stranici Ministarstva na sljedećem linku: <https://mon.ks.gov.ba/aktuelno/novosti/javni-poziv-za-sufinansiranje-naucnoistrazivackihumjetnickoistrazivackih-i>.

S poštovanjem,



Dostaviti:

- Naslovu;
- Stručnoj službi Vlade Kantona Sarajevo;
- a/a.